

蘭州紀畧

賈方通題

欽定蘭州紀畧卷九

甲寅阿桂李侍堯奏言。川省頭二起屯練兵。於

五月二十九及閏五月初一日先後到蘭。臣等

思該兵丁等跋涉幾三千里。必須休息數日。方

能鼓勇殺賊。而賊匪盤踞已久。防禦甚周。尅期

大舉。尤須計出萬全。以圖一鼓殲滅。此數日內。

本不欲派兵進剿。但屯兵初到蘭州。於華林山

形勢及進兵路徑。打仗情形無由知悉。必須預

令得知。而屯練兵丁。亦踴躍報効。因於閏五月

初三日。派海蘭察。明亮。同那木札。彰。藹。明。山。阿

蘭保。及阿拉山公多爾濟。色布坦。帶領侍衛章

京。阿拉山馬兵。川省屯練兵。由龍尾山過溝。繞

至華林山西南斜坡賊卡。派舒亮。哈當阿。三德

泰。斐英。阿福寧。帶領滿漢奮勇兵。過溝。由華林

山南直壓賊卡。額森特帶兵在龍尾山坡。俟有可乘之機。卽分路督率繼進。伍彌泰。莽古賚。旺親班。巴爾。烏爾圖。納遜。仁和。馬彪。羅江。鱗等。仍率領滿漢官兵。佔龍尾山梁。接應堵截。並架礮向賊營轟打。是日寅刻。齊至華林山。賊匪已將前次進攻之路砍斷。並多掘坑塹。令我馬兵不能馳騁。海蘭察等帶領屯練兵曲折遶進。相近。

賊卡賊匪仍於卡內放鎗抵禦。不敢出迎。惟時屯練兵卽奮勇撲進。直至卡邊。賊匪見事勢已急。卽有數百賊出卡。拚死抗拒。屯練兵棄鎗短接。刀砍矛戳。殲戮甚多。賊始退回。我兵乘勢撲壓。賊匪又復出拒。如此三次。賊匪被殺更多。始竄歸卡柵。在溝壕內潛藏放鎗。抵死不出。此次本不過令屯練兵畧知路徑情形。尚非大舉。至

未刻卽將兩路官兵徐徐撤回。查此次除鎗礮
殺死賊人不計數外。其三次攪戰。約斃賊六七
十名。官兵屯練陣亡者十二名。副將保興。都司
皂王保。守備關聯陞。阿拉山三等台吉諾依多
普。叅領達克巴。俱帶有鎗傷。尚屬無妨。臣查賊
匪能打仗者。不過數百人。現在滿漢屯土官兵。
已有萬餘。任其盤踞死守。苟延殘喘。實非意計。

所及現在川省降番已到更無可待。臣等公同

籌畫卽於初九初十兩日。尅期大舉四路進攻。務將逆匪剿除淨盡。

同日阿桂李侍堯又奏言查賊匪勢已窮蹙。臣

等時刻留心慮其竄逸。所有防守後路各將備。

屢經嚴飭曉諭令晝夜防範。嚴密稽查。至賊營

之北緊臨黃河。不但對岸金城關駐兵嚴防。並

於南岸船橋處所。亦新立卡柵。添兵二百名駐守。其迤西一帶。因欲於大舉時。派兵從此路進攻。故尚未安設多兵。該處雖山勢重疊。路徑叢雜。迤西總有洮河爲限。不能越過。沿河洪濟橋一帶。有兵八百餘名。迤南之沙泥站。又有兵九百名防守。賊匪即使結隊乘馬衝迤。一至河邊。不能不下馬覓渡。無難勦擒。若改換衣帽。分散。

潛逃則撒拉爾逆回。鬚髮截短。言語不同。易於
識認。且有舊教指拏。不患不搜捕淨盡。臣等仍

加意稽查。先事准備。以期殲戮無遺。至馬明心
爲新教之首。其家屬黨羽。事竣後自當照倡立
邪教之例。按名查拏嚴辦。其伏羌縣爲馬明心
歛銀之回民。如果屬實。亦當一併查辦無遺。此
外向從新教者。只可於辦理善後事宜案內立

法嚴禁其首逆蘇四十三及助惡頭目韓一的
巴拉等所有家屬當概予駢誅其餘各犯家口
卽遵

旨改發雲南普洱廣西百色等處極邊烟瘴之地以
淨根株均奏入

上命軍機大臣傳諭阿桂李侍堯曰前已屢次傳諭
阿桂以賊營迤西一帶山徑叢雜小路甚多尤須

留心防範。卽或伊勢窮計。感竟爾自焚自戕。必當
檢驗屍身。確有憑據。方爲完事。此尤辦理之最要
者。馬明心之家屬黨羽。自當按名查拏。嚴行辦理。
其伏羲縣爲馬明心歛銀之回民。如果查明屬實。
亦必須一併嚴辦。不可稍事姑息。阿桂李侍堯務
須妥協經理。以期永靖邊陲。

同日。

上諭內閣曰。此次調赴甘省。勦捕逆回之四川屯練。降番土兵。甚屬勇往出力。著加恩於甘省藩庫內。各賞給一月錢糧。以示鼓勵。

同日。阿桂李侍堯奏言。烏嚕木齊提督喬照。過蘭來見。據稱在京。

陛見時。曾面求卽在蘭州帶兵効力。上以勦賊事務將竣。屯田緊要。未蒙

俞允現當尅期進剿。情願留甘帶兵等語。查喬照年已七十餘歲。從前亦未經歷行陣。無需伊在此帶兵打仗。惟聞該提督在甘年久。於陝甘兩省營伍情形。最爲熟悉。現在遵

旨增添兵數。其何處地方緊要。何處控制番回。臣阿

桂雖經過甘省數次。不過畧知梗概。而臣李侍

堯則更係初到。無由深悉。應請將喬照暫留二

三十日。臣等計詢一切。公同熟商。俟辦有就緒。

再令往烏嚕木齊任事。至建昌鎮總兵鄂輝。於
閏五月初二日抵蘭。現在隨同帶兵打仗。奏入
報

聞。

同日李侍堯又奏言。現在調集滿漢官兵。及土
練屯練。會剿逆匪。一應供支。俱應寬爲籌備。臣

抵省以來。查核軍精。頗爲充裕。尚有陸續報運者。計算儘敷儲備。至所需銀款。仰蒙

皇上勅部發帑一百八十萬兩。解甘備用。臣抵任後

詢據布政使福崧稟稱。前督臣勒爾謹先經檄

令前任藩司王廷贊節次動撥司庫五十二萬四百兩。零分發各州縣。以應急需。其東路州縣卽於陝省解甘兵餉內。截留應用銀二十二萬

三千兩。統計已共發銀七十四萬三千四百兩。
零。勒爾謹因軍務倥偬未及

奏明。

臣

現在督飭承辦官員將前項給發銀兩動

支欸項覈實具報。俟卽日軍務告竣。分晰應否
准銷。按欸造冊具

題。照例據實核銷。奉入報

聞。

已未。阿桂李侍堯奏言。

臣

等於初九日。令海蘭

察額森特明亮同那木札明山泰斐英阿福寧

哈當阿鄂輝阿拉山公多爾濟色布坦帶領侍

衛章京阿拉山馬兵。川省屯練。及延綏固原綠

營兵。共三千餘名。由龍尾山過溝。繞至華林山

西。斜撲賊營。派舒亮薩炳阿彰靄三德帶領滿

漢兵一千七百餘名。由龍尾山過溝。從華林山